


漢魏六朝百三家集

魏
應阮
德元
璉瑜
應劉
休公
璉榦

第二十五冊

EAST ASIAN LIBRARY
RM 8049 ROBARTS LIBRARY
UNIVERSITY OF TORONTO
TORONTO, CANADA M5S 1A5

V. 25-28



阮元瑜集

PL
2494
H38
1879

v. 25-28

阮元瑜集題詞

阮掾爲曹操遺書孫權文辭英拔見
重魏朝文帝云書記翩翩致足樂也
元瑜沒王傑誄之曰簡書如雨強力
敏成若是乎行人有辭國家光輝以
之折衝禦侮其鄭子產乎予觀彼書

潤澤發揚善辨若轂獨敘赤壁之敗
流汗發慚口重語塞固知無情之言
卽懸幡擊鼓無能助其威靈也文質
論雅有勁思若得優游述作勒成一
家亦足與偉長中論翩翩上下迺諸
子長逝元瑜最先遺文鬼名撫手痛

悒至今傳其焚山應招鼓琴奏曲事
亦在有無之間安得起彼九原更談
文墨乎悲風涼日明月三星讀其諸
詩每使人愁然則元瑜俯首曹氏嗣
宗盤桓司馬父子酒歌各有不得已
也

婁東張溥題

山澤食楊善辨
宗盤酥同福安若醉煇谷林不縣已
和裝射人想參限夫能於首曹又關
又盤平悲風來有與與三墨離其體
外至今對其焚山點酥造琴奏曲事

魏阮元瑜集目錄

賦

鸚鵡賦

止欲賦

箏賦

紀征賦

論

文質論

書

阮元瑜集

目錄

爲曹公作書與孫權

爲武帝與劉備書

牋

謝太祖牋

文

弔伯夷文

詩

駕出北郭門

琴歌

詠史詩二首

其一

其二

襍詩二首

其一

其二

七哀詩

隱士

苦雨

失題

公讌

怨詩

附錄

本傳

阮元瑜集目錄終

魏阮元瑜集卷全

魏 陳留阮瑀 著

明 太倉張溥 閱

賦

鸚鵡賦

惟翩翩之艷色，誕嘉類於京都。穢夷風而弗處，慕聖惠而來徂。被坤文之黃色，服離光之朱形。配秋英以離綠，苞天地以耀榮。

止欲賦

夫何淑女之佳麗、顏炯炯以流光、歷千代其無匹、超古今而特章、執妙年之方盛、性聰惠以和良、稟純潔之明節、復申禮以自防、重行義以輕身、志高尚乎貞姜、情既悅其美麗、無須臾而有忘、思桃天之所宜、願無衣之同裳、懷紆結而不暢、魂一夕而九翔、出房戶以躑躅、覩天漢之無津、傷匏瓜之無偶、悲織女之獨勤、還伏枕以求寐、庶通夢而交神、神惚恍而難遇、思交錯以繽紛、遂終夜而靡見、東方旭以旣晨、知所思之不可

得乃抑情以自信

箏賦

惟夫箏之奇妙極五音之幽微苞羣聲以作主
冠衆樂而爲師稟清和於律呂籠絲木以成資
身長六尺應律數也故能清者感天濁者合地
五聲並用動靜簡易大興小附重發輕隨折而
復扶循覆逆開浮沉抑揚升降綺靡殊聲妙巧
不識其爲平調足均不疾不徐遲速合度君子
之行也慷慨磊落卓礫盤紆壯士之節也曲高

和寡妙伎雖工，伯牙能琴，於茲爲朦。噉繹翕純，
庶配其蹤。延年新聲，豈比能同。陳惠李文，曷能
是逢。

紀征賦

仰天民之高衢兮，慕在昔之遐軌。希篤聖之崇
綱兮，惟弘哲而爲紀。同天工而人代兮，匪賢智
其能使。五材陳而並序兮，靜亂由乎干戈。惟蠻
荆之作讐兮，將治兵而濟河。遂臨河而就濟兮，
瞻禹績之茫茫。距疆澤以潛流兮，經崑崙之高。

岡目幽蒙以廣衍兮遂霑霑而難量

論

文質論

蓋聞日月麗天可瞻而難附羣物著地可見而易制夫遠不可識文之觀也近而易察質之用也文虛質實遠踈近密援之斯至動之應疾兩儀通數固無攸失若乃陽春敷華遇衝風而隕落素葉變秋旣究物而定體麗物若僞醜器多牢華壁易碎金鉄難陶故言多方者中難處也術饒津者要難求也意弘博者情難足也性明

察者。下難事也。通士以四奇。高人必有四難之
忌。且少言辭者。政不煩也。寡知見者。物不擾也。
專一道者。思不散也。混濛茂者。民不備也。質士
以四短。違人必有四安之報。故曹參相齊。寄託
獄市。欲令奸人有所容立。及爲宰相。飲酒而已。
故夫安劉氏者。周勃正嫡位者。周勃。大臣不彊
不至華言。孝文上林苑。欲拜嗇夫。釋之前諫。意
崇敦朴。自是以降。其爲宰相。皆取堅強一學之
士。安用奇才。使變典法。

書

爲曹公作書與孫權

初權兄策并江東魏武力未能逞且欲撫之以弟女配策弟匡爲子彰取孫賁女及策薨權遂西連蜀漢結好劉備故書與權

離絕以來于今三年無一日而忘前好亦猶姻
媾之義恩情已深違異之恨中間尚淺也孤懷
此心君豈同哉每覽古今所由改趣因緣侵辱
或起瑕釁心忿意危用成大變若韓信傷心於
失楚彭寵積望於無異盧綰嫌畏於已隙英布

憂迫於情漏此事之緣也。祇與將軍恩如骨肉。割授江南。不屬本州。豈若淮陰捐舊之恨。抑遏劉馥。相厚益隆。甯放朱浮顯露之奏。無匿張勝貸故之變。匪有陰構賁赫之告。固非燕王淮南之釁也。而忍絕王命。明棄碩交。實爲佞人所構會也。夫似是之言。莫不動聽。因形設象。易爲變觀。示之以禍。難激之以恥。辱大丈夫雄心。能無憤發。昔蘇秦說韓。羞以牛後。韓王按劍作色。而怒。雖兵折地割。猶不爲悔人之情也。仁君年壯。

氣盛緒信所嬖。既懼患至。兼懷忿恨。不能復遠。度孤心近慮。事勢遂齎。見薄之決計。秉翻然之成議。加劉備相扇揚。事結釁連。推而行之。想暢本心。不願於此也。孤以薄德。位高任重。幸蒙國朝將泰之運。蕩平天下。懷集異類。喜得全功。長享其福。而姻親坐離。後援生隙。常恐海內多以相責。以爲老夫包藏禍心。陰有鄭武取胡之詐。乃使仁君翻然自絕。以是忿忿。懷慙反側。常思除棄小事。更申前好。二族俱榮。流祚後嗣。以明

雅素忠誠之效。抱懷數年。未得散意。昔赤壁之役。遭離疫氣。燒舡自還。以避惡地。非周瑜水軍所能抑挫也。江陵之守。物盡穀殫。無所復據。徙民還師。又非瑜之所能敗也。荆土本非已分。我盡與君。莫取其餘。非相侵肌膚有所割損也。思計此變。無傷於孤。何必自遂於此。不復還之高。帝設爵以延田橫。光武指河而誓朱鮪。君之負累。豈如二子。是以至情願聞德音。往年在譙。新造舟船。取足自載。以並九江。貴欲觀湖濼之形。

定江濱之民耳。非有深入攻戰之計也。將恐議者大爲已榮。自謂策得長。無西患。重以此故。未肯迴情。然智者之慮。慮於未形。達者所規。規於未兆。是故子胥知姑蘇之有麋鹿。輔果識智伯之爲兆禽。穆生謝病。以免楚難。鄒陽北游。不同吳禍。此四士者。豈聖人哉。徒通變思深。以微知著耳。以君之明。觀孤術數。量君所據。相計土地。豈勢少力乏。不能遠舉。割江之表。晏安而已哉。甚未然也。若恃水戰。臨江塞要。欲令王師終不

得渡亦未必也。夫水戰千里。情巧萬端。越爲三軍。吳曾不禦。漢潛夏陽。魏豹不意。江湖雖廣。其長難衛也。凡事有宜。不得盡言。將修舊好。而張形勢。更無以威脅重敵人之心。然有所恐。恐書無益。何則。往者軍逼而自引。還今日在遠而興慰納。辭遜意狹。謂其力盡。適以增驕。不足相動。但明效古。當自圖之耳。昔淮南信左吳之策。隗囂納王元之言。彭寵受親吏之計。三夫不寤。終爲世笑。梁王不受詭勝。竇融斥逐張玄。二賢旣

覺福亦隨之。願仁君少留意焉。若能內取子布、
外擊劉備，以效赤心，用復前好，則江表之任，長
以相付。高位重爵，坦然可觀。上令聖朝無東顧
之勞，下令百姓保安全之福。君享其榮，孤受其
利，豈不快哉？若忽至誠，以處僥倖，婉彼二人，忍
不加罪，所謂小人之仁，大人之賊。大雅之人，不
肯爲此也。若憐子布，願言俱存，亦能傾心去恨，
順君之情，更與從事取其後善，但禽劉備，亦足
爲效。開設二者，審處一焉。聞荆揚諸將，並得降

者皆言交州爲君所執。豫章距命，不承執事。疫
旱並行，人兵損滅，各求進軍。其言云云。孤聞此
言，未以爲悅。然道路旣遠，降者難信。幸人之災，
君子不爲。且又百姓國家之有，加懷區區，樂欲
崇和。庶幾明德來見，招副不勞而定。於孤益貴
是故按兵守次，遣書致意。古者兵交，使在其中。
願仁君及孤，虛心廻意。是以應詩人補袞之歎。
而慎周易牽復之義。濯鱗清流，飛翼天衢。良時
在茲，勗之而已。

爲武帝與劉備書
披懷解帶投分寄意

牋

謝太祖牋

一得披立雲。望白日。惟力是視。敢有二心。

文

弔伯夷文

余以王事適彼洛師瞻望首陽敬弔伯夷東海
讓國西山食薇重德輕身隱景潛暉求仁得仁
報之仲尼沒而不朽身沈名飛

客二朝早到而止則其意亦深

道經山寺觀僧尼持鉢乞食者其意亦深

道經山寺觀僧尼持鉢乞食者其意亦深

道經山寺觀僧尼持鉢乞食者其意亦深

詩

駕出北郭門

談藝錄云樂府往往敘事故與詩殊蓋敘事辭緩則冗不精翩翩堂前燕。疊字極促。乃佳。玩瑪駕出北郭門。視孤兒行。大緩弱。不逮矣。

駕出北郭門。馬樊不肯馳。下車步踟躕。

一作躑躅

折枯楊枝。顧聞邱林中。噉噉有悲啼。借問啼者出。何爲乃如斯。親母舍我歿。後母憎孤兒。飢寒無衣食。舉動鞭捶施。骨消肌肉盡。體若枯樹皮。藏我空室中。父還不能知。上塚察故處。存亡永

別離。親母何可見。淚下聲正嘶。棄我于此間。窮厄豈有貲。傳告後代人。以此爲明規。

琴歌

魏文士傳云。太祖雅聞瑀名。辟之不應。乃逃入山中。太祖使人焚山。得瑀。太祖時征長安。大延賓客。怒瑀不與語。使就技人列。瑀善解音。能鼓琴。撫絃而歌。爲曲。旣捷。音聲殊妙。太祖大悅。按曲略文。章志瑀建安初辭疾。得召。卽起。不得有焚山事。太祖征荊州。瑀作書。十六年入關。而云得瑀在長安。瑀十七年卒。太祖次年爲魏公。辭稱大魏。愈知其妄矣。

奕奕天門開。大會應期運。青蓋巡九州。在東西

人怨士爲知己死女爲悅已玩恩義苟潛暢他人焉能亂

詠史詩二首

其一

誤哉秦穆公身沒從三良忠臣不違命隨軀就死亾低頭闕墳戶仰觀日月光誰謂此何處恩義不可忘路人爲流涕黃鳥鳴高桑

其二

燕丹養勇士荆軻爲上賓圖擢盡七首長驅西

入秦、素車駕白馬、相送易水津、漸離擊筑歌、悲聲感路人、舉坐同咨嗟、嘆氣若青雲、

襍詩二首

其一

臨川多悲風。秋日苦清涼。客子易爲戚。感

一作對

此用哀傷攬衣起躑躅。上觀心與房。三星守故次。明月未收光。鷄鳴當何時。朝晨尚未央。還坐長嘆息。憂憂安可忘。

其二

我行自凜秋、季冬乃來歸、置酒高堂上、友朋集
光輝、念當復離別、涉路險且夷、思慮益惆悵、淚
下沾衣裳、

七哀詩

丁年難再遇、富貴不重來、良時忽一過、身體爲
土灰、冥冥九泉室、漫漫長夜臺、身盡氣力索、精
魂靡所能、一作廻嘉穀設不御、旨酒盈觴杯、出壙
望故鄉、但見蒿與萊、

隱士

四皓潛南岳，老萊竄河濱。
顏回樂陋巷，許由安
賤貧。伯夷餓首陽，天下歸其仁。
何患處貧苦，但當守明真。

苦雨

苦雨滋玄冬，引日彌且長。
丹墀自穢殫，深樹猶沾裳。
客行易感悴，我心摧已傷。
登臺望江沔，陽侯沛洋洋。

失題

白髮隨節墮，未寒思厚衣。
四支易懈倦，行步益

疎遲常恐時歲盡，魂魄忽高飛。自知百年後，堂上生旅葵。

公讌

陽春和氣動賢主，以崇仁布惠。緩人物降愛，當所親。上堂相娛樂，中外奉時珍。五味風雨集，杯酒若浮雲。闕

怨詩

民生受天命，漂若河中塵。雖稱百齡壽，孰能應此身。猶獲嬰凶禍，流落一作離恒苦心。闕

陽元瑜集

卷全

本傳

阮瑀字元瑜，廣陵人也。少受學於蔡邕。建安中，都護曹洪欲使掌書記，瑀終不爲。屈太祖雅聞瑀名，辟之不應。連見逼促，乃逃入山中。太祖使人焚山，得瑀送至，召入。太祖時征長安，大延賓客，怒瑀不與語，使就技人列。瑀善解音，能鼓琴，遂撫絃而歌。因造歌曲，爲曲旣捷，音聲殊妙。當時冠坐。太祖大悅，以瑀爲司空軍謀祭酒，管記室。後徙倉曹掾屬，著文賦數十篇。十七年卒。子

籍字嗣宗曠達不羈不拘禮俗性至孝居喪雖
不率常檢而毀幾至滅性太尉蔣濟聞而辟之
官至步兵校尉假蘇門先生之論長嘯以寄所
懷與何曾等深相讐疾大將軍司馬文王常保
持之卒以壽終子渾字長成閑澹寡欲知名京
邑爲太子庶子蚤卒

隱人錄

卷之二

二

二

二

二

劉公幹集

劉公幹集題詞

魯國孔文舉廣陵陳孔璋山陽王仲
宣北海徐偉長陳留阮元瑜汝南應
德璉東平劉公幹魏文所稱文人七
子也文帝云劉楨章表書記壯而不
密又稱其五言詩妙絕當時今公幹

書記傳者甚少知其物化以後遺失
多矣集詩大悉五言詩品亦云其源
出古詩思王而下楨稱獨步豈緣本
魏文爲之申譽乎近日詩選痛貶建
安亦度已迹削他人足耳未若南皮
觴酌公讌贈答當時得失相知者深

也劉公幹贈五官中郎將詩有云昔
我從元后整駕至南鄉過彼豐沛都
與君共翱翔王仲宣從軍詩亦云籌
策運帷幄一由我聖君嚴滄浪黜之
謂元后聖君並指曹操心敢無漢大
義批引二子固當叩頭伏罪然詩頌

鋪張詞每過實文人之言豈必盡由
中情哉公幹平視甄夫人操收治罪
文帝獨不見怒死後致思悲傷絕絃
中心好之弗聞其過也其知公幹誠
猶鍾期伯牙云

婁東張溥題

魏劉公幹集目錄

賦

魯都賦

大暑賦

遂志賦

黎陽山賦

爪賦

有序

清慮賦

書

諫平原侯植書

又

答太子書

又

碑

處士國文甫碑

詩

公讌詩

贈五官中郎將

其一

其二

其三

其四

贈徐幹

贈從弟

其一

其二

其三

襍詩

鬪雞

射鳶

失題

其一

其二

附錄

本傳

劉公幹集目錄終

魏劉公幹集卷全

魏 東平劉楨 著

明 太倉張溥 閱

賦

魯都賦

昔大廷氏肇建厥居、少昊受命亦都茲焉、山則
連岡屬嶺、暄眈峽井、紫金揚暉於鴻崖、水精潛
光乎雲冗、岱宗邈其層秀于氣霧以高越、其木
則赤槐青松、文莖蕙棠、洪幹百圍、高徑穹皇、竹

則與彼山咳根、彌阪域、蒙雪含霜、不渝其色、夏
蕩攢包、勁條並殖、翠實離離、鳳皇攸食、水產衆
夥、各有彝倫、頌首華尾、豐顱重斷、戴兵挾刃、盤
甲曲鱗、且觀其時、謝節移和、旅綏宗招、歡合好
蕭、戒友朋蛾眉清眸、顏若雪霜、插曜日之珍筵、
珥明月之珠璫、舞人就列、整飾容華、和顏揚眸、
吟風長歌、飄乎焱發、身如轉波、尋虛騁迹、顧與
卽和、縱修袖以終曲、若奔星之赴河、及其素秋
二七、天漢指隅、民胥被襖、國於水遊、緹帷彌津、

丹帳覆洲、葢如飛鶴、馬如遊魚、庭門嚴嚴、朱扉
含光、路殿巋其隆崇、文陛嚬其高驤、聽迅雷於
長除、若有聞而復亡、其園囿苑沼、駢田接連、淥
池分浪、以帶石垠、文隅瓊岸、華玉依津、邦乃太
狩、振揚炎威、教民卽戎、講習興師、落幕包括、連
結營圍、毛羣隕殪、羽族殲剝、填崎塞畎、不可勝
錄、

大暑賦

其爲暑也、羲和總駕、發扶木、太陽爲輿、達炎燭、

靈威參垂步朱轂赫赫炎炎烈烈暉暉若熾燎
之附體又溫泉而沉肌獸喘氣於玄景鳥戢翼
於高危農畯捉罇而去疇織女釋杼而下機溫
風至而增熱歎悒悒而無依披衿領而長嘯冀
微風之來思

遂志賦

幸遇明后、因志東傾、披此豐草、乃命小生、生之
小矣、何茲云當牧馬於路、役車低昂、愴恨惻切、
我獨西行、去峻溪之鴻洞、觀日日於朝陽、釋箠

棘之餘刺踐櫟林之柔芳，嗽玉粲以曜目，榮日
華以舒光。信此山之多靈，何神分之煌煌。聊且
遊觀，周歷高岑，仰攀高枝，側身遺陰，磷磷礚礚，
以廣其心。伊天皇之樹葉，必結根於仁方。梢吳
夷於東隅，掣畔臣乎南荆。戢干戈於內庫，我馬
繫而不行。楊洪恩於無涯，聽頌聲之洋洋。四寓
莫以無爲，玄道穆以普將。翼儔又於上列，退仄
陋於下場。襲初服之蕪葳，託蓬蘆以遊翔。豈放
言而云爾，乃且夕之可忘。

黎陽山賦

自魏都而南邁，迄洪川以竭休。想王旅之旌旄，
望南路之遐修。御輕駕而西徂，過舊塢之高區。
爾乃踰峻嶺，超連罡，一登九息，遂臻其陽。南蔭
黃河，左覆金城。青壇承祀，高碑頌靈。珍木駢羅，
奮華揚榮。雲興風起，蕭瑟清泠。延首南望，顧瞻
舊鄉。桑梓增敬，慘切懷傷。河源汨其東遊，陽鳥
飄而南翔。覩衆物之集華，退欣欣而樂康。

瓜賦有序

左曹植坐，厨人進瓜。植命爲賦，促立成。其辭曰：
布象牙之席，薰玳瑁之筵。憑彤玉之几，酌撩碧
之樽。三星在隅，溫風節暮。枕翹於藤，流美遠布。
黃花炳曄，潛實獨著。豐細異形，圓方殊務。揚暉
發藻，九采襍糅。厥初作苦，終然允甘。應時湫熟，
含蘭吐芳。藍皮密理，素肌丹瓢。乃命園師，貢其
晁良。投諸清流，一浮一藏。析以金刀，四剖三離。
承之以雕盤，幕之以織絺。甘逾蜜房，冷亞冰圭。

清慮賦

結東阿之扶桑接西雷乎燭龍上青腹之山蹈
琳珉之塗玉樹翠葉上栖金烏

書

諫平原侯植書

家○丞○邢○顓○北○土○之○彥○少○秉○高○節○立○靜○澹○泊○言○少○
理○多○真○雅○士○也○植○誠○不○足○同○貫○斯○人○並○列○左○右○
而○植○禮○遇○殊○特○顓○友○疏○簡○私○懼○觀○者○將○謂○君○侯○
習○近○不○肖○禮○賢○不○足○採○庶○子○之○春○華○忘○家○丞○之○
秋○實○爲○上○招○謗○其○罪○不○小○以○此○反○側○

又

明使君始垂哀憐意眷日崇譬之疾病乃使炎

農分藥岐伯下鍼疾雖未除就沒無限何者以其天鑒至神而榮魄自盡也

答太子書

太子初賜楨廓落帶其後師死欲借取以爲像因書凋楨楨答之楨辭指巧妙是皆如是

楨聞荆山之璞曜元后之寶隋侯之珠燭衆士之好南垠之金登窈窕之首鸞貂之尾綴侍臣之幘此四寶者伏朽石之下潛污泥之中而揚光千載之上發彩疇昔之外亦皆未能初自妾

於至尊也。夫尊者所服卑者所修也。貴者所御。賤者所先也。故夏屋初成。而大匠先立其下。嘉禾始熟。而農夫先嘗其粒。恨楨所帶。無他妙飾。若實殊異。尚可納也。衆士一作衆女

又

肅以素秋則落。

金公集

卷五

六

碑

處士國文甫碑

先生執乾靈之貞潔，稟神祇之正性，咳笑則孝，
弟之端著，匍匐則清節之兆見，齟齬以及成人，
體無懈容，口無愆辭，兢兢業業，小人畏忌，勤讓
同儔，敬事長老，雖周之樂正子春，漢之江都董
相，其飭躬力行，無以尚之。是以長安師其仁，朋
友欽其義，閭門稱其慈，宗屬懷其惠。旣乃潛心
窮巖，游心載籍，薄世名也。初海內之亂，不視膳

羞十有餘年。憂心泣血，不勝其哀。形銷氣竭，以建安十七年四月卒。于時龍德逸民黃髮賓叟綴文通儒，有方彥士莫不拊心長號，如喪同生。咸以爲誄，所以昭行也。銘所以旌德也。古之君子，旣沒而令聞不忘者，由斯一者也。銘曰：

懿矣先生，天授德度。外清內白，如玉之素。逍遙九皋，方回是慕。不計治萃，名與殊路。知我者希，韞櫝未酤。喪過乎哀，遘疾不悟。早世永頽，違此榮祚。咨爾末徒，聿修歡故。

詩

公讌詩

永日行遊戲，歡樂猶未央。遺思在立夜，相與復
翱翔。輦車非素葢，從者盈路傍。月出照園中，珍
木鬱蒼蒼。清川過石渠，流波爲魚防。芙蓉散其
華，菡萏溢金塘。靈鳥宿水裔，仁獸遊飛梁。華館
寄流波，豁達來風涼。生平未始聞，歌之安能詳。
投翰長嘆息，綺麗不可忘。

贈五官中郎將

劉公幹集

卷全

詩

八

其一

昔我從元后，整駕出南鄉。
過彼豐沛都，與君共
翱翔。四節相推斥，季冬風且涼。
衆賓會廣坐，明
鐙熺炎光。清歌製妙聲，萬舞在中堂。
金罍含甘醴，羽觴行無方。
長夜忘歸來，聊且爲太康。
四牡向路馳，歡悅誠未央。

其二

余嬰沈痼疾，竄身清漳濱。
自夏涉玄冬，彌曠十
餘旬。常恐游岱宗，不復見古人。
所親一何篤，步

趾慰我身清談同日久情眴敘憂勤便復爲別
辭游車歸西隣素葉隨風起廣路揚埃塵逝者
如流水哀此遂離分追問何時會要我以陽春
望慕結不解貽爾新詞文勉哉修令德井面自
寵珍

其三

秋日多悲懷感慨以長嘆終夜不遑寐敘意於
濡翰明燈曜閨中清風淒已寒白露塗前庭應
門重其關四節相推斥歲月忽欲殫壯士遠出

征戎事將獨難，涕泣灑衣裳，能不懷所歡。

其四

涼風吹沙礫，霜氣何皚皚。明月照緹幕，華燈散
炎輝。賦詩連篇章，極夜不知歸。君侯多壯思，文
雅縱橫飛。小臣信頑鹵，俛安能追。

贈徐幹

是時徐在西掖劉
在禁省故有此詩

誰謂相去遠，隔此西掖垣。拘限清切禁，中情無
由宣。思子沈心曲，長嘆不能言。起坐失次第，一
日三四遷步。出北寺門，遙望西苑園。細柳夾道

生、方塘含清源、輕葉隨風轉、飛鳥何翩翩、垂人
易、感、動、涕、下、與、矜、連、仰、視、白、日、光、皦、皦、高、且、懸、
兼、燭、八、紘、內、物、類、無、頗、偏、我、獨、抱、深、感、不、得、與
比、焉、

贈從弟三首

其一

汎汎東流水、磷磷水中石、蘋藻生其涯、華葉紛
擾、溺、采、之、薦、宗、廟、可、以、羞、嘉、客、豈、無、園、中、葵、懿、
此、出、深、澤、

其二

亭亭山上松，瑟瑟谷中風。風聲一何盛，松枝一何勁。冰霜正慘淒，終歲常端正。豈不罹凝寒，松柏有本性。

其三

鳳皇集南岳，徘徊孤竹根。於心有不厭，奮翅凌紫氛。豈不常勤苦，羞與黃雀群。何時當來儀，將須聖明君。

襍詩

職事相

煩一作

填委文墨紛消散馳翰未暇食日

景不知晏沈迷簿領書回回自昏亂釋此出西
城登高且游觀方塘含白水中魚與雁安得
肅肅羽從爾浮波瀾

鬪鷄

丹鷄被華采雙距如鋒芒願一揚炎威會戰此
中唐利爪探玉除瞋目含火光長翹驚風起勁
翮正敷張輕舉奮勾喙電擊復還翔

射鳶

別公幹集

卷八

詩

七

鳴鳶弄雙翼，飄飄薄青雲。我后橫怒起，意氣凌
神仙。發機如驚竅，三發兩鳶連。流血灑牆屋，飛
毛從風旋。庶士同聲贊，君射一何妍。

失題

其一

昔君錯畦疇。東土有素木。條柯不盈尋。一尺再
三曲。隱生寘翳林。倏忽自迫束。得託芳蘭苑。列

植高山足。後闕

青青女蘿草上依高松枝幸蒙庇養恩分惠不
可貲風雨雖急疾根株不傾移。後闕

望公草集

卷八

三

本傳

劉楨字公幹東平人父名梁字曼山一名恭少
有清才以文學見貴終于野王令文帝常賜楨
廓落帶其後師死欲借取以爲像因書嘲楨云
夫物因人貴故在賤者之手不御至尊之側今
雖取之勿嫌其不反也楨答書見本集辭旨巧妙
由是特爲諸公子所親愛其後太子嘗請諸文
學酒酣坐歡命夫人甄氏出拜坐中衆人咸伏
而楨獨平視太祖聞之乃收楨楨以不敬竟署

吏減死輸作

卷之五

應德璉集

應德璉休璉集題詞

德璉集鮮書記世所傳者止報龐公
一牘耳休璉書最多俱秀絕時表列
諸辭令之科陳孟公王景興其人也
德璉善賦篇目頗多取方弟書文藻
不敵詩雖比肩亦覺百一爲長休璉

火攻良可畏也魏祖二十二年徐陳
應劉一時俱逝曹子桓輒申痛惜德
璉周旋時主年位較遠規諷曹爽殷
勤指諭憂患存焉汝南應氏世濟文
雅德璉幸遇子桓時可著書忽化蒿
萊美志不遂休璉厯事二主喉舌可

舒而世無賞音義存優孟嗟乎命也
機雲著聲入洛載協齊名王府原其
風流二應爲始低回建章仰送朝鴈
予猶善其足傳爾

婁東張溥題

應德瑛集

是詩

魏應德璉集目錄

賦

悠驥賦

迷迭賦

靈河賦

正情賦

征賦

馳射賦

鸚鵡賦

愁霖賦

西狩賦

車渠椀賦

楊柳賦

書

報龐惠恭書

論

文質論

襍文

奕勢

檄文

詩

報趙淑麗

公讌

侍五官中郎將建章臺集詩

別詩

其一

其二

鬪鷄

附錄

本傳

應德璉集目錄終

魏應德璉集卷全

魏 汝南應瑒 著

明 太倉張溥 閱

賦

愍驥賦

愍良驥之、不遇兮、何屯否之、弘多、抱天飛之神
號兮、悲當世之、莫知、赴玄谷之、漸塗兮、陟高岡
之、峻崖、懼僕夫之、嚴策兮、載悚慄而、奔馳懷殊
姿而、因遇兮、願遠跡而、自舒、思奮行而、驥首兮

叩繯綵之紛拏，牽繁轡而增制兮。心愴結而繁
紆，涉通達而方舉兮。迫輿僕之我拘，抱精誠而
不暢兮。鬱神足而不攄，思蒨翁於西土兮。望伯
氏於東隅，願浮軒於千里兮。曜華輶乎天衢，瞻
前軌而促節兮。顧後乘而踟躕，展心力於知己
兮。甘邁遠而亡飭，哀二詰之殊世兮。時不邁乎
夏造，制銜轡於常御兮。安獲騁於遐道。

逃迭賦

列中堂之嚴宇，跨階序而駢羅。建茂莖以竦立，

擢修幹而承阿燭白日之炎陰承翠碧之繁柯
朝敷條以誕節夕結秀而垂華振纖枝之翠粲
動採葉之莓莓舒芳香之酷烈乘清風以徘徊

靈河賦

谷靈川之遐源兮于崑崙之神邱凌增城之陰
隅兮賴后土之潛流衝種石之重險兮披山麓
之溢浮蹶龍黃而南邁兮紆鴻體而因流涉津
洛之版泉播九道之中洲汾鴻湧而騰驚兮恒
疊疊而徂征肇察高而迅逝兮陽侯沛而震驚

有漢中葉兮金隄隤而匏子傾興萬藥而親務
兮董羣后而來營下淇園之豐篠兮投璧玉而
沈星若夫長杉峻櫟茂栝芬樞扶疏灌列映水
蔭防隆條動而暢清風白日顯而曜殊光

正情賦

夫何媛女之殊麗兮姿溫惠而明哲應靈和以
挺質體蘭茂而瓊潔方往載其鮮雙曜來今而
無列發朝陽之鴻暉流精睇而傾泄旣榮麗而
冠時援申女而比節余心嘉夫淑美願結歡而

靡因承窈窕之芳美情踊躍乎若人魂翩翩而
夕遊甘同夢而交神晝彷徨於路側宵耿耿而
達晨清風厲於立序涼飈逝於中唐聽雲鴈之
幹鳴察列宿之華輝南星晃而電隕偏雄肅而
特飛冀騰言以俯音嗟激迅而難追傷往禽之
無偶悼流光之不歸愍伏辰之方逝哀吾願之
多違步便旅以永思情慘慄而傷悲還幽室以
假寐固展轉而不安神渺渺以潛翔恒存遊乎
所觀仰崇夏而長息動哀響而餘歎氣浮踊而

雲館腸一夕而九煩

征賦

奮皇佐之豐烈，將親戎乎幽鄰。飛龍旂以雲曜，
披廣路而北巡。崇殿鬱其嵯峨，華宇爛而舒光。
摛雲藻之雕飾，流輝采之渾黃。辭曰：
烈烈征師，尋遐庭兮。悠悠萬里，臨長城兮。周覽
郡邑，思旣盈兮。嘉想前哲，遺風聲兮。

馳射賦

於是陽春嘉日，講肆餘暇。將逍遙於郊埜，聊娛

遊於騁射延賓，羈旅星言。夙駕樹應，鞞於路左。
建丹旂於表路，羣駿籠于衡首。咸皆腰褭與飛，
逸爾乃結翻作，齊倫匹。良樂授馬，孫臏調駟。籌
筭克明，班次均一。左攬繁弱，右接湛衛。控滿流
睇，應弦飛碎。薜動鼓震，譟聲雷潰。重破雷礫，流
景倏忽。紛紜絡驛，次授二八。驂騑激騁，神足奔
越。終節三驅，矢不虛發。進截飛鳥，顧摧月支。須
紆六鈞，口彎七規。觀者屏氣而傾竦，咸側企而
騰移。爾乃榮回盤厲，按節和旋。翩翩神厲，體若

飛仙奕奕駢牡，旣佶且閑，揚驪沛艾，螭略相連。

鸚鵡賦

何翩翩之麗鳥，表衆豔之殊色，被光耀之鮮羽，流玄黃之華飾，苞明哲之弘慮，從陰陽之消息，秋風厲而潛形，蒼神發而動翼。

愁霖賦

聽屯雷之恒音，坎聞左右之歎聲，情慘憤而含歛，兮起披衣而游庭，三辰幽而重關，蒼曜隱而無形，雲曖曖而周馳，雨濛濛而霧零，排房悵而

非入、振蓋股之沾衣、還空牀而寢息、夢白日之
餘暉、惕中寤而不効、予意悽悵而增悲

西狩賦

伊炎漢之建安、飛龍耀乎天衢、皇宰逸而陶運、
樹匡翼而大摹、盪無妄之氛穢、揚靈乎八區、開
九土之舊迹、暨聲教於海隅、峕霜淒而淹埜、寒
風肅而川逝、草木紛而搖蕩、驚鳥別而高厲、旣
乃揀吉日、練嘉辰、清風矢戒、羣翳收塵、於是魏
公乃乘彫輅、駟飛黃、擁簫鉦、建九旂、按轡清途、

颯沓風翔、於是圍網周合、雷鼓天震、千乘長羅、
萬表星陳、雙翼伉旌、八校祖分、長燧電舉、高烟
蔽雲、爾乃徒輿並興、方軌連質、驚飈四駭、衝禽
驚溢、騁獸塞埜、飛鳥蔽日、爾乃赴玄谷、陵崇巒、
俯掣奔猴、仰捷飛猿、雲幕被於廣埜、京燎照乎
平原、醴魚充給、洪施普宣、

車渠椀賦

惟茲椀之珍瑋、誕靈岳而奇生、扇不周之芳烈、
浸漫露以潤形、蔭碧條以納曜、喻朝霞而發榮、

紛立黃以彤裔、曄豹變而龍華、象蛇虹之輔體、
中含曜乎雲波、若其衆色鱗聚、卓度詭常、網緼
襍錯、乍圓乍方、蔚術繁興、散列成章、揚丹流縹、
碧玉飛黃、華氣承朗、內外齊光、

楊柳賦

赴陽春之和節、植纖柳以承涼、攄豐節而廣布、
紛鬱勃以登陽、三春脩其奄過、景日赫其垂光、
振鴻條而遠壽、迴雲蓋於中唐、

...

...

...

...

...

...

...

...

書

報龐惠恭書

夫蕭艾之歌。發於信宿。子衿之思。起於

一作寧不嗣

音。况實三載。能不有懷。雖萱草樹背。皋蘇在側。悵憤不遑。祇以增毒。朝隱之官。賓不往來。喬木之下。曠無休息。抱勞而已。足下剖符南面。振威千里。行人子羽。朝夕相繼。曾不在咫尺之路。問蓬室之舊。過意賜書。辭不半紙。慰籍輕於繒綺。譏望重於邱山。是角弓之詩。所以爲刺也。植鷺

羽於苑丘。騁駿足於株林。發明月之輝光。照妖
人之窈窕。斯亦所以眩耳目之視聽。亡聲命於
知友者也。

論

文質論

蓋皇穹肇載陰陽初分日月運其光列宿耀其
文百穀麗於土芳華茂於春是以聖人合德天
地稟氣渟靈仰觀象於玄表俯察式於羣形窮
神知化萬物是經故否泰易趨道無攸一二政
代序有文有質若乃陶唐建國成周革命九官
咸乂濟濟休令火龍黼黻曄曄韡韡於廊廟袞冕旂
旒易奕乎朝廷冠德百王莫叅其政是以仲尼

嘆煥乎之文從郁郁之盛也夫質者端一玄靜
儉嗇潛化利用承清泰御平業循軌量守成法
至乎應天順民撥亂夷世摘藻奮權赫奕丕烈
紀禪協律禮儀煥別覽墳邱於皇代建不刊之
洪制顯宜尼之典教探微言之所弊若乃和氏
之明璧輕穀之袿裳必將遊玩於左右振飾於
宮房豈爭牢僞之勢金布之剛乎且少言辭者
孟僖所以笱郊勞也寡智見者慶氏所以困相
胤也今子棄五典之文闇禮義之大信管望之

小。尋老氏之蔽。所謂循規常趨。未能釋連環之
結也。且高帝龍飛豐沛。虎據秦楚。唯德是建。唯
賢是與。陸酈摛其文。辨良平奮其權。蕭何創
其章律。叔孫定其庠序。周樊展其忠教。韓彭列
其威武。明達天下者。非一士之術。營造宮廟者。
非一匠之矩也。逮至高后亂德。損我宗劉。朱虛
軫其慮。辟彊釋其憂。曲逆規其模。酈友詐其遊。
襲據北軍。實賴其疇。冢嗣之不替。實四老之由
也。夫諫則無議。以陳問則服汗沾濡。豈若陳平

敏對。叔孫據書言辨國典。辭定皇居。然後知質者之不足。文者之有餘。

雜文

奕勢

蓋棊奕之制所由來尚矣。有像軍戎戰陣之紀。
旌旂旣列。權慮蜂起。駱驛雨集。魚鱗雁峙。奮維
闔翼。固衛邊鄙。或飾遁僞旋。卓輓輶列。羸師延
敵。一乘虛絕。歸不得合。兩見擒滅。淮陰之謨。拔
旗之勢也。或匡設無常。尋變應危。寇動北壘。備
在南麾。中棊旣捷。四表自虧。亞夫之智。耿弇之
奇也。或假道四布。周爰繁昌。雲合星羅。侵逼郊

場師弱衆寡臨據孤臨披掃強禦廣略土疆昆陽之威官渡之方也挑誘旣戰見欺敵對紛拏相救不量進退羣聚俱殞力行唐突瞋目恚憤覆局崩潰項將之咎楚懷之悖也時或失謬取奔攝北還自保固完聚補塞見可而進先負後尅燕昭之賢齊項之德也長驅馳逐見利忘害輕敵寡備所喪彌大臨疑猶豫筭慮不詳苟貪少獲不知所亡當斷不斷還爲所謀項羽之失吳王之尤也持碁相守莫敢先動由楚漢之兵

相拒索鞏也

檄文

長戟百萬胡馬千羣

應德璉集

卷全

詩

報趙淑麗

朝雲不歸。夕結成陰。離羣猶宿。永思長吟。有鳥
孤栖。哀鳴北林。嗟我懷矣。感物傷心。

公讌

巍巍主人德。佳會被四方。開館延羣士。置酒于
斯堂。辨論釋鬱結。援筆興文章。穆穆衆君子。好
合同安康。促坐塞重帷。傳滿騰羽觴。

侍五官中郎將建章臺集詩

公子以下
疑別一首

朝雁鳴雲中，音響一何哀。問子游何鄉，戢翼正徘徊。言我塞門來，將就衡陽栖。往春翔北土，今冬客南淮。遠行蒙霜雪，毛羽日摧頽。常恐傷肌骨，身隕沈黃泥。簡珠墮沙石，何能中自諧。欲因雲雨會，濯翼陵高梯。良遇不可值，伸眉路何階。公子敬愛客，樂飲不知疲。和顏旣已暢，乃肯顧細微。贈詩見存慰，小子非所宜。且爲極歡情，不醉其無歸。凡百敬爾位，以副飢渴懷。

朝雲浮四海。日暮歸故山。行役懷舊土。悲思不能言。悠悠涉千里。未知何時旋。

其二

浩浩長河水。九折東北流。晨夜赴滄海。海流亦何抽。遠適萬里道。歸來未有由。臨河累一作竟太息。五內懷傷憂。

聞雞

戚戚懷不樂。無以釋勞勤。兄弟游戲場。命駕迎衆賓。二部分曹伍。羣雞煥以陳。雙距解長綵。飛

踊超敵倫、芥羽張金距、連戰何續紛、從朝至日
夕、勝負尚未分、專塲驅衆敵、剛捷逸等羣、四坐
同休贊、賓主懷悅欣、博奕非不樂、此戲世所珍

本傳

汝南應瑒字德璉祖奉字世叔才敏善諷誦故
世稱應世叔讀書五行俱下著後序十餘篇爲
世儒者延熹中至司隸校尉子劭字仲遠亦博
學多識尤好事諸所撰述風俗通等凡百餘篇
辭雖不典世服其博聞劭又著中漢輯敘漢官
儀及禮儀故事凡十一種百三十六卷朝廷制
度百官儀式所以不亡者由劭記之官至泰山
太守劭弟珣字季瑜司空掾卽瑒之父瑒與楨

各被太祖辟爲丞相掾屬瑒轉爲平原侯庶子
後爲五官將文學二十二年卒著文賦數十篇
弟璩字休璉子貞字吉甫咸以文章顯璩官至
侍中貞咸熙中參相國軍事

通志

卷二

三

四

五

應休連集

牋

與武帝薦賁琳牋

薦和模牋

與曹公牋

與曹昭伯牋

與劉靖牋

書

與滿炳書

與侍郎曹長思書

與廣川長岑文瑜書

與西陽令孔德琰書

與從弟君苗君胄書

與劉公幹書

與韋仲將書

與董仲連書

與尚書諸郎書

又與尚書諸郎書

答韓文憲書

與許子俊書

又與許子俊書

報東海相梁季然書

與陰夏書

與陰中夏書

與程文信書

與梁州刺史劉文爽書

與劉文達書

與夏侯孝智書

與洛陽令杜偉忠書

與王子雍書

與母邱仲恭書

與龐惠恭書

報燕中尉樊彥皇書

報平陸長賁備伯書

與崔瑗書

與人書

與趙叔潛書

書

與王將軍書

與劉孔才書

書

海錄碎事

詩

百一詩三首

雜詩三首

三叟

又百一詩一名新名

又

又

又

又

遺句

附錄

本傳

應休璉集目錄終

魏應休璉集卷全

魏 汝南應璩 著

明 太倉張溥 閱

牋

與武帝薦賁琳牋

藝文類聚作
薦賁諱誤

璩聞景雲浮則應龍翔治道明則儔義臻是故
良哉之歌興於唐堯之世多士之頌形於周文
之朝竊見太子舍人賁琳字瑋伯稟性純和體
素清宜授以千里之塗任以列曹之職

薦和模牋

璩聞唐堯因羣士以興治。齊桓假衆能以定業。
是故八元進則太平之化成。六賢用則九合之
功立。竊見同郡和模字慮則。質性純粹。體度貞
正。履仁蹈義。動循軌禮。方今海內企踵。欣慕捉
髮之德。山林投褐。思望旌弓之招。實英奇叙用
之時。賢達進致之良秋也。今夜光之璧。顯價於
和氏之肆。千里之足。定功於伯樂之庭。庶有以
宣明大道。光益時化。

與曹公牋

昔漢光武與戴子高有撫塵之好

與曹昭伯牋

曹爽

空城寥廓。所聞者悲風。所見者鳥雀。昔陳司空
爲邑宰。所在幽閒。獨坐愁思。幸賴游蟻以娛其
意。以今況之。知不虛矣。損書及遠。若從雲墜。

與劉靖牋

靖沛國相人。歷大司農衛尉。靖馥子。御覽云馥字子靖。璩書與子靖。誤。靖時由尚書出爲河南尹。璩爲散騎常侍。與靖書。

八作納言。出臨京任。富民之術。日引月長。藩落
高峻。絕穿窬之心。五種別出。遠水火之災。農器
必具。無失時之闕。蚕麥有苦備之用。無雨濕之
虞。封符指期。無流連之吏。鰥寡孤獨。蒙廩振之
實。加之以明。擿幽微。重之以秉憲。不撓。有司供
承王命。百里垂拱。仰辨。雖昔趙張三王之治。未
足以方也。

書

與滿炳書

炳字公琰爲別部司馬見賈弼之山公注炳前日曾過璩至明日欲遣書謝值炳又使人來召璩璩別事不得往故爲報炳父寵爲太尉璩嘗事之故呼曰郎君

昨者不遺猥見照臨雖昔侯生納顧於夷門毛公受眷於逆旅無以過也外嘉郎君謙下之德內幸頑才見誠知己歡欣踴躍情有無量是以奔聘御僕宣命周求陽晝喻於詹何揚倩說於

范武故使鮮魚出於

一作自

潛淵芳旨發自幽巷

繁俎綺錯羽爵蜚騰牙曠高徽義渠哀激當此
之時仲孺不辭同產之服孟公不顧尚書之期
徒恨宴樂始酣白日傾夕驪駒就駕意不宜展
追惟耿介迄於明發適欲遣書會承來命知諸
君子復有漳渠之會夫漳渠西有伯陽之館北
有曠野之望高樹翳朝雲文禽蔽綠水沙場夷
敞清風肅穆是京臺之樂也得無流而不反乎
適有事務須自經營不獲侍坐良增邑邑因白

不悉璩白、

侍郎曹長思書

選注云長思書傳所不載、

璩○白○足○下○去○後○甚○相○思○想○叔○田○有○無○人○之○歌○闌○
闌○有○匪○存○之○思○風○人○之○作○豈○虛○也○哉○王○肅○以○宿○
德○顯○授○何○曾○以○後○進○見○拔○皆○鷹○揚○虎○眈○有○萬○里○
之○望○薄○援○助○者○不○能○追○叅○於○高○妙○復○歛○翼○於○故○
枝○塊○然○獨○處○有○離○羣○之○志○汲○黯○樂○在○郎○署○何○武○
耻○爲○宰○相○千○載○揆○之○知○其○有○由○也○德○非○陳○平○門○
無○結○駟○之○跡○學○非○揚○雄○堂○無○好○事○之○客○才○劣○仲○

舒。無下帷之思。家貧孟公。無置酒之樂。悲風起

於閨闈。

一作閨

紅塵蔽於几榻。幸有袁生。時步玉

趾。樵蘇不爨。清談而已。有似周黨之過。閔子夫

皮朽者。毛落川涸者。魚逝春生者。繁華秋榮者。

零悴自然之數。豈有恨哉。聊與大弟陳其苦懷

耳。想還在近。故不益言。璩白。

與廣川長岑文瑜書

文瑜因時旱祈雨不能得璩書戲之

璩白。頃者炎旱日更增甚。沙礫銷鑠。草木焦卷。

處涼臺而有鬱蒸之煩。浴寒水而有灼爛之慘。

宇宙雖廣。無陰以憇。雲漢之詩。何以過此。土龍
矯首於玄寺。泥人鶴立於闕里。修之厯旬。靜無
徵效。明勸教之術。非致雨之備也。知恤下民。躬
自暴露。拜起靈壇。勤亦至矣。昔夏禹之解陽。昨
一作盱殷湯之禱桑林。言未發而水旋流。辭未卒
一作既而澤滂沛。今者雲重一作積而復散。雨垂落而
復收。得無賢聖殊品。優劣異姿。割鬚宜及膚。剪
爪宜侵肌乎。周征殷而年豐。衛伐邢而致雨。善
否之應。甚於影響。未可以爲不然也。想雅思所

未及謹書起予應璩白

與西陽令孔德瑗書

嘉麥禎祥。惟日未久。不圖飛蝗。一旦至止。知恤
蒸庶。念存良苗。親發赫斯。爰整其旅。鮐背之叟
皓首之發。莫不負戈奔走於道路。旌表曜於白
日。鼉鼉震於雷動。以此掃敵。必將席卷。况於微
蟲。能無驚駭。卓茂治密。恭在中牟。時雖有災。未
若斯勤。亦猶子賤鳴琴。巫馬出入。勞逸有殊。立
功惟一。重雲北興。不降靈雨。麗此二災。憂心忡

愒。逐蝗之道。謹聞教矣。不審致禳。將以何物。文
王修德。以厭地震。湯禱桑林。致克豐雨。宜修善
政。以慰民望。

與從弟君苗君胄書

璩欲歸田。故
報二從弟。

璩報。間者北游。喜歡無量。登芒濟河。曠若發蒙。
風伯埽涂。雨師灑道。按轡清路。周望山野。亦旣
至止。酌彼春酒。接武茅茨。涼過大夏。扶一作膚
肴修味。踰方丈。逍遙陂塘之上。吟詠苑柳之下。
結春芳以崇佩。折若華以翳日。弋下高雲之鳥。

餌出深淵之魚。蒲且讚善。便嬛稱妙。何其樂哉。
雖仲尼忘味於虞韶。楚人流遁於京臺。無以過
也。班嗣之書。信不虛矣。來還京都。塊然獨處。營
宅濱洛。困於囂塵。思樂汶上。每發於寤寐。昔伊
尹輟耕。邳惲投竿。思致君於有虞。濟蒸人於塗
炭。而吾方欲秉耒耜於山陽。沈鉤一作縉於丹
水。知其不如古人遠矣。然由父不貪天下一作地
之樂。曾參不慕晉楚之富。亦其志也。前者邑人
念弟無已。欲令州郡崇禮。官師一作官授邑。誠美

意也。歷觀前後來入軍府。至有皓首猶未遇也。
徒有饑寒駿奔之勞。俟河之清。入壽幾何。且宦
無金張之援。游無子孟之資。而圖富貴之榮。望
殊意之寵。是隴西之游。越人之射耳。幸賴先君
之靈。免負擔之勤。追蹤丈人畜雞種黍。潛精墳
籍。立身揚名。斯爲可矣。無惑一作成游言。以增邑
邑。郊牧之田。宜以爲意。廣開土宇。吾將老焉。劉
杜二生。想數往來。朱明之期。已復至矣。相見在
近。不復爲言。一作書慎夏疑是盛夏自愛。璩報一作白

與劉公幹書

鶉鷄棲翔鳳之條。黿鼉游昇龍之淵。識真者所
爲憤結也。

與韋仲將書

韋誕

夫以原憲懸磬之居。而值皇天無已之雨。室宇
漸而作漏。堂館洽而爲泥。薪芻旣盡。舊穀亦傾。

一作穀
亦傾匱

屠蘇發散。機槍見謀。進無顏子不改之

志。退無揚雄晏然之情。是以懷感良不可堪。人

非神仙。須仰衣食。方今體寒心饑。憂在旦夕。而

欲東希許昌治生之物。西望陵縣厨食之祿。誠恐將爲牛蹄中魚。卒鮑氏之肆矣。

與董仲連書

魏尚書

穀糴驚踊。告求周伶。

一作鄰

日獲

一作給

數升

一作斗

猶復無薪。可以爇之。雖孟軻困於梁宋。宣尼饑

一作困

於陳蔡。無以過此。夫挾管晏之智者。不有

廝役之勞。懷陶朱之慮者。不居貧賤之地。出蒙譏於恤護。久見謫於嬪息。忽便邑憤。不知處世之爲樂也。

與尚書諸郎書

夫秋節涼和。霽雨清閑。正高會之盛時。飲宴之良日也。而陋巷之居。無高密之宇。壁立之室。無旬朔之資。流潦浸於北堂。隙漏霑於衣服。薰蒸單竭。檐石傾罄。中饋告乏。役者莫興。飯玉炊桂。猶尚優泰。雖欣皇天之降潤。亮水車之思雨。私懷蹙額。良不可言。想諸夫子。亦斯困也。夫否泰潛升。蓋由昏明。二三執事。以龍虎之姿。遭風雲之會。方將飛騰閭闔。振翼紫微。運籌帷幄。顯揚

豐積豈久沈滯於下職契濶於貧悴哉

又

檀氏園葵菜繁茂藷蔗瓜芋亦離離尚萌未知
三生復何種植

荅韓文憲書

昔公孫弘皓首入學顏涿聚十五始涉師門朝
聞夕殞聖人所貴足下之年甫在不惑加以學
藝何晚之有若能上追南榮忘食之樂下踵寧
子黑夜之勤窮文盡義無微不綜規富貴之榮

取金紫之爵。是夏侯勝拾芥之謂也。

與許子俊書

足下以方剛之盛年。應不羈之勁勇。將發虓虎之威。致霜雪之誅。擒吳梟蜀。定功萬里。而劉備不下山。孫權不出水。武力不奮。猛氣畜勇。其毒如何。

又

前別倉卒。情意不悉。追懷萬恨。

報東海相梁季然書

足下頓彌天之網。收萬仞之魚。望之以然。不
之以咳兆。何其壯乎。觀夫任公子之所釣。此爲
鱸蝦。未足爲君一作吾子道之。

與陰夏書

從田來見南野之中。有徒步之士。恠而問之。乃
知郎君頓有微疴。告祠社神。將以祈福。聞之悵
然。以增歎息。虛社高樹。能有靈應哉。

與陰中夏書

此與前
疑一人

體正者則檢於人。質弱者則陋於衆。

與程文信書

是以忽此蘇子帶郭之業。求彼孫叔寢邱之地。
故求遠田。在關之西南。臨洛水。北據邙山。託崇
岫以爲宅。因茂林以爲蔭。謝靈運山居賦注
靈運山居賦云昔仲
長願言流水高山。應璩作書却阜
洛川。今宋書謝賦注。無是以二句。

與梁州刺史劉文爽書

足下內挹叔夷之清節。外播二南之惠政。德教
加於百姓。要道過於侏國之卿也。北堂書鈔未
句有誤。一作

劉文爽與
應璩書

與劉文達書

僕頃倦遊談之事、欲修無爲之術、不能與足下
齊鑣騁轡爭千里之表也、

與夏侯孝智書

遭值有道之世、免致貧賤之患、援鑒自照、髣
半白、殊可懼也、

與洛陽令杜偉忠書

羊寄虎穴、鵲托鷹巢、心懷怵惕、豈其任哉、

與王子雍書

卿校之從。有職之事。足下著書不起草。占授數萬言。言不改定。事合古典。莫不歎息之矣。

與母邱仲恭書

客館不留賓。官曹無停事。

與龐惠恭書

頃見所上利民之術。植濟南之榆。栽漢中之漆。報燕中尉樊彥皇書。

擘袪登輿。北踐燕路。當方化銀龜以爲黃。變青

組以爲紫。

報平陸長賁瑋伯書

從此辭矣。何敢復飛蟬於惠文鳴玉於綈組哉。

與崔援書

今本作盧璩與崔元書誤

豈有亂首抗巾以入都城衣不在體而以適人乎。昔戴叔鸞箕坐見邊文禮。此皆衰世之慢行也。

與人書

知楊生翻然遂登納言。雖有所越亦其宜也。傳說棄版築而爲殷相。呂望投竿而爲周師。卓茂

起間里而爲漢宰。若此翁者。乃奇才耳。瑣瑣尚書執憲之吏。曷以爲異哉。

與趙叔潛書

入侍華幄。出典禁闈。

書

左執屋盧之勁矛。右秉干將之雄戟。高冠拂雲。長劍耿介。簫管振音。厥聲載路。馮軾虎視。清風震疊。可謂堂堂乎難與竝爲仁也。

太平御覽未否爲書

與王將軍書

闕文附錄

雀鼠雖微。猶知微烈。

與劉孔才書

聽廣陵之清散、

海錄碎事引璩書

清猿與壺人爭旦

應休璉集

卷全

三

詩

百一詩三首

野客叢書云石林詩話梁鍾嶸論淵明
出於應璩應璩詩不多見惟文選載其
百一詩一篇所謂下流不可處君子慎
厥初與陶詩不類五臣注引文章錄云
曹爽多違法應璩作詩以刺在位若百
分有補於一者雜體詩集百一詩凡五
首不止一篇所謂百一云者又不止文
章錄一說凡有數說張方賢楚國先賢
傳云應休璉作百一詩譏切時事徧以
示在位者咸皆怪愕以爲應焚弃之何
晏獨無怪也李克翰林論曰應休璉作
五言詩百數十篇有詩人之旨孫盛晉
陽秋云應璩作詩百三十篇言時事頗
有補益七志云應璩謂之新詩以百言

爲一篇謂之百一詩。樂府廣題云百者
數之終。一者數之始。士有百行。終始如
一。故云百一。應璩爲曹爽大將軍。長史
前後爲詩百餘篇。以諷爽。操以習俗之
言。傳會其意。名曰百一。爽卒不悟。以及
於禍。百一詩序云。時謂曹爽曰。公今聞
周公巍巍之稱。安知百慮有一失乎。文
章錄云。曹爽多違法。璩爲是詩以諷焉。
意者以爲百分有一補於時政。唐藝文
志。應璩有百一詩八卷。丹陽集云。應璩
作百一詩。譏切時事。徧以示任事者。皆
恠愕。以爲應焚弃之。及觀文選所載百
一篇。畧不及時事。何耶。又觀郭茂倩載
百一詩五篇。首篇言馬子侯解音律。而
以陌上桑爲鳳將雛二篇。傷翳桑二老
無以葬妻子。而已無宜孟之德。可以
其急。三篇言老人自知桑榆之景。斗酒
自勞。不肯爲子孫積財。末篇卽文選所

載第四篇似風諫所爲苟欲娛耳目快
心樂腹腸我躬不悅歡安能慮死亡此
豈非所謂應焚弃之詩乎後何遜亦有
擬百一體所謂靈輒困桑下於陵拾李
糟其詩一百十字恐出於或者之說然
璩詩每篇字數各不同第不過四十字
爾

下流不可處。君子慎厥初。名高不宿著。易用受
侵誣。前者嚙官去。有人適我閭。田家無所有。酌
醴焚枯魚。問我何功德。三入承明廬。所占於此
土。是謂仁智居。文章不經國。筐篋無尺書。用等
稱才學。徃徃見歎譽。避席跪自陳。賤子實空虛。

宋人遇周客。慙媿靡所如。

其二

室廣以下，疑別一首。

年命在桑榆，東岳與我期。長短有常會，遲速不得辭。斗酒多爲樂，無爲待來茲。室廣致凝陰，臺高來積陽。奈何季世人，侈靡在宮牆。飾巧無窮極，土木被朱光。徵求傾四海，雅意猶未康。

其三

子弟可不慎，慎在選師友。師友必長德，中才可進誘。

雜詩三首

廣文選作應璩今依藝文作應璩

細微可不慎隄潰自蟻穴勝理早從事安復勞
鍼石哲人覩未形愚夫闇明白曲突不見賓焦
爛爲上客思願獻良規江海倘不逆狂言猶寡
善猶有如雞跖雞跖食不已齊王爲肥澤穴一作隙

跖一作脇

其二

散騎常師友朝夕進規獻侍中主喉舌萬機無
不亂尚書統庶事官人乘法憲彤管弭納言貂

璫表武弁出入承明廬車服一何煥三寺齊榮
秩百僚所瞻願

其三

少壯面目澤長老顏色麤麤醜人所惡拔白白
洗蘇

三叟

古有行人道入陌上見三叟年各百餘歲相與鋤
禾莠佳車問三叟何以得此壽上叟前致辭內
中嫗貌醜中叟前致辭量腹節所受下叟前致

辭夜臥不覆首。要哉三叟言，所以能長久。古一作昔

內中一作室內、

百一詩一名新

漢末桓帝時，郎有馬子侯，自謂識音律，請客鳴

笙竽爲作陌上桑。反言鳳將雛，左右僞稱善。亦

復自搖頭。馬子侯爲人頗癡，自謂曉音律，黃門樂人更往嗤誚，子侯不知，名陌上桑。

反言鳳將雛，輒搖頭欣喜，多賜左右錢帛，無復慙色。

又

郡國募將士，馳騁習弓戟，雖妙未更事，難用應。

卒迫

又

人材不能備各有偏短長稱可小入中便辟必
知芒

又

秋日苦作短遙夜邈綿綿貧士感此時慷慨不
能眠

又

苟欲娛耳目快心樂腹腸我躬不悅歡安能慮

死亡

遺句

貞偽各有分，駑驥不齊鑣。
竈下炊牛矢，甑中裝豆飧。
醉酒巾幘落，頂禿赤如狐。
革帶繩爲績，履舄穿無底。
嵐山寒折骨，面目盡生瘡。
豐隆窮美味，獨食有何甘。
有酒流如川，有肴積如岑。

此二句一作應
援侍公晏詩

本傳

應璩字休璉，汝南人。漢泰山太守劭之從子也。博學好屬文，善爲書記。明帝世，歷官散騎常侍。齊王卽位，稍遷侍中、大將軍長史。曹爽秉政，多違法度，璩爲詩以諷焉。其言雖頗諧，然多切時要。世共傳之。復爲侍中，典著作。嘉平四年卒。追贈衛尉子貞，字吉甫，少以才聞，能談論。正始中，夏侯玄盛有名勢，貞常在玄坐，作五言詩。玄嘉玩之，舉高第，歷顯位。晉武帝爲撫軍大將軍，以

貞參軍事晉室踐祚遷太子中庶子散騎常侍
又以儒學與太尉荀顗撰定新禮事未施行泰
始五年卒貞弟純純子紹永嘉中爲黃門侍郎
爲司馬越所殺純弟秀秀子瞻鎮南大將軍江
州刺史

